



Boazodoalu ja luondduealáhusaid ruhtadeapmi

Ruhtadeapmi boazo- dahje luondduealáhusaiguin bargi olbmuide álggaheapmái ja investeremiidda ja bálgosiid investeremiidda

Boazodoallit ja bálgosat sáhttet ohcat investeren- ja álggahandoarjagiid. Ohcan lea bastevaš, muhto ohcamušaid váldit gieđahallamii doarjjabajiid mielde.

Doarjjabajit

- 16.1.–15.4.2023
- 16.4.–15.6.2023
- 16.6.–15.9.2023
- 16.9.2023–15.1.2024

Bálgosiid áiddiid ortnegisdoallama guoski doarjjaohcamušaid gieđahallan spiehkkaša ovdđibus nu, ahte daid gieđahallat doarjjaohcama maŋŋá 15.1.2024.

Doarjaga ohcat [Hyrrä-áššiidikšunbálvalusas](#). Sámegielat ohcamušat doaimmahuvvojit báberohcamuššan Lappi EJB-guovddážii. Sihkkarastte, ahte du ohcamuš sisttisoallá buot dárbbášlaš mildosiid.

Doarjaga eavttuide leat bohtán muhtun nuppástusat

Investerendoarjja ealáhusain bargi olbmui

Boahttevuodas háhkama sáhttá dahkat iežas riskkain doarjjaohcamuša guođđima maŋŋá. Sihkkarastte, ahte du ohcamuš lea bohtán Lappi EJB-guovddážii.

EJB-guovddáš ávžžuha goittotge dahkat háhkama easkka dohkkehuvvon doarjjamearrádusa maŋŋá. Jos ohcci dahká háhkama ovdal go lea ožžon dohkkehuvvon doarjjamearrádusa iežas riskkain ja doarjjaohcamuš ii dohkkehuvvo, son ii sáhte oazžut šat doarjaga dahkkojuvvon investeremii. Háhkan lea dalle dahkkon ovdal ohcamuša guođđima.

Huksema guoski ruhtadeami sáhttá máksit eanemusat viđa earis. Máksinvuloš eriin dušše maŋimuš eari sturrodaga stivret boahttevuodas. Maŋimuš mávssu sturrodat lea 20 % doarjaga mearis.

Álggahandoarjja nuorra olbmui, guhte bargá ealáhusain

Son guhte oazžu álggahandoarjaga, galgá boahttevuodas ohcat ieš mávssu. Álggahandoarjja máksojuvvo guovtti seamma sturrosaš earrin. Vuosttaš eari sáhttá ohcat, go doarjjaohcamušas ovdanbukton eavttut leat dievvan. Doarjaga nuppi eari máksima eaktun lea fitnodatdoaimaplána ollašuhttin. Álggahandoarjja máksojuvvo eanemustá viđa jagi áigge dálloalu álggaheamis. Vuhtiiváldde goittotge, ahte viđa jagi bissovašvuodačuovvun álgá doarjaga maŋimuš eari máksimis.

Álggahandoarjagii gullelaš bájkkolotnii sáhtá boahhtevuođas mieđihit stáhtadáhkádusa. Stáhtadáhkádussii ferte addit vuostedáhkádusa, mii sáhtá leat giddodat- dahje fitnodatgiddojupmi. Sus guhte oážžu loana, berrojuvvo hávális olggosgollu, man sturrodat lea 0,75 proseantta dáhkádusa mearis, goittotge eanemustá 200 euro. Lassin loana oážžus, berrojuvvo dáhkádusas jahkebeliid gaskkaid máksu, man sturrodat lea 0,75 proseantta dáhkádusa mearis mii lea guđege háve báhcán. Mávssuid, mat berrojuvvojit dáhkádusas, ferte máksit guktii jagis, cuoŋománu ja golggotmánu maŋimuš beaivve.

Skuvlendilálašvuohta boazodoalu ja luondduealáhusaid doarjagiid birra 14.4.2023

- [Ovdanbuktinmateriála \(pdf\)](#)

Loga lasi:

- [Lassedieđut ja skovit \(ruokavirasto.fi\)](#)
- [Hyrrä-áššiiddikšunbálvalus](#)

Boazodoalu ealliguovdasaš doarjja (boazodoarjja)

Boazodolliide mieđihuvvo ealliguovdasaš doarjja. Doarjaga oážžun eaktuda, ahte dálloallu oamasta unnimustá 80 eallibohcco.

Boazodoallojagis 2022/2023 ealliguovdasaš doarjaga sáhtá ohcat áigodagas 15.8.–7.9.2023. Boazodoarjja mákso 35 euro/ealliboazu.

Gii sáhtá oážžut doarjaga?

Doarjaga sáhtá mieđihit lunddolaš olbmuid dahje dakkár dálloallui, mii hápmašuvvá lunddolaš olbmuid ja mas bearašollisvuohta orru seamma ruhtadoalus. Dálloallun gehččo maidái árbebeassi, mii ii leat juhkkovuvvon.

Boazodoarjagis ii leat badjeahkeráđji.

Seamma dálloallui (bearašollisvuhtii) gullet ovdamearkka dihte

- Seamma dálus bissovaččat orru olbmot
- Olbmot, geat leat gaskaboddosaččat eret

Gaskaboddosaččat sáhtá leat eret ovdamearkka dihte studerema, bargogohččosa, eará diasbarggu, soahte- dahje siviilabálvalusa, buohcceviesus dahje fánngalis orruma dihte. Eret orrun gehččo dábálaččat gaskaboddosažžan, jos dat bistá eanemustá sullii jagi.

- Dálloallui gullelaš olbmo beallelaš, guhte orru eará sajis

Beallelaš gullá dálloallui, vaikko son livčče eret mánggaid jagiid, jos beallelaččat eaba oro eará sajiin párragaskavuoda cuovkaneami dihte. Ovdamearkka dihte beallelaš,

guhte lea eará báikegottis barggus, studerema dahje soahtebálvalusa dihte, gullá seamma dálldollui.

- Lagašfuolkkit, geat orrot seamma dálus

Lagašfuolkkit leat náittus- ja ássanguoimmit, vanhemat ja mánát, áhkut ja ádját ja vuolleahkásaš oarbinat.

- Beallelaš, guhte orru dahje studere eará báikegottis dahje mánná, guhte lea vuolle 18-jahkásaš ja gullá vanhemiiddis dálldollui

Ohcamušas gálget leat beallelačča ja buohkaid dievasahkásaččaid váldegirjjit, geat gullet seamma dálldollui ja geaid bohccuin ohcco doarjja. Váldegirjeskovvi gávdno biebmodoaimmahaga siidduin (liŋka siiddu loahpas).

Árbebeassi galgá guođdit iežas ohcamuša. Doaisttáži árbebeasit galget ohcat doarjaga báberohcamušain. Ohcamuššii laktit árbebeasi árbegirji ja váldegirjjit.

Doarjaga oažžuma eavttut

Dálldollui gullevaš olbmot leat galgan oamastit boazodoallojagi 2022/2023 loahpas unnimustá 80 eallibohcco. Ealliid oamastanriekti, mii eaktuda doarjagii ja ealliid mearri, vuodđuduvvet válđoáššis boazodoallojagis 2022/2023 ráhkaduvvon virggálaš boazologahallamii. Boazodoallojagi 2022/2023 áigge dahkkon boazogávppiid sáhttá vuhtiiváldit doarjaga mieđiheamis.

Doarjaga oažžus eaktudit muituimerkejumiid doallama boazodoalu boađuin ja goluin. Muituimerkejupmegeatnegasvuoda vuodul doarjjaohcamuššii galgá laktit boazodoalu muituimerkejumiin (Pomu) boađusrehkenastinsiiddu, mainna sáhttá gávnnahit ahte ohcci lea dahkan doarjaga oažžumii eaktuduvvon muituimerkejumiid. Muituimerkejupmegeatnegasvuoda čuovvut ealliguovdasaš doarjaga čuovvuma oktavuodas. Ođđa boazodoalliid oasil mieldduskovvi ii geatnegahttojuvvo.

Doarjja ii máksojuvvo dain eallibohccuin, mat mannet bálgosiid dahje daid osolaččaide mearriduvvon eallibohccuid eanemusmeari badjel. Jos bálgosa eallibohccuid mearri manná bálgosiid mearriduvvon eanemusmeari badjel, dálldoaluid doarjjagelbbolaš eallibohccuid mearri geahpeduvvo badjelmearálaš bohccuid oasil seamma goris go dálldoalut oamastit eallibohccuid bálgosis.

Eallibohccuid meari báhcín unnibun go 80 eallibohcco ii eastte doarjaga mieđiheami dálldollui báhcán eallibohccuid meari vuodul, jos dálldoalus leat leamaš unnimustá 80 eallibohcco ovdal geahpedeami.

Doarjja ii máksojuvvo dain eallibohccuin, maid osolačča livččii galgan bálgosa dohkkehan jahkásaš njuovvanplánaid mielde njuovvat. Jos dálldoalu njuovakeahtes bohccuid mearri lea badjel golbma proseantta eallibohccuid mearis, dálldollui ii máksojuvvo doarjja ollenge

Doarjaga ohcan

Doarjja ohccojuvvo neahttaáššiidikšunbálvalus Vipus, masa boazodoallit sáhttet čálihit sisa bänkodovddaldagaiguin dahje mobiillasihkkarastimiin. Lappi EJB-guovddáš movttiidahtta dikšut áššiid neahtas, gos áššiid sáhtta dikšut johtilabbot go báberskoviin. Ohcamuša mildosiid sáddet áššiidikšunbálvalusa bokte. Doarjaga sáhtta goittotge ain ohcat maiddái báberskoviin. Boazologahallama dieđuid sáddet bálgošis njuolga Lappi EJB-guovddážii, mii gieđahallá ohcamušaid.

Doarjaga ohcan nohká Vipu-bálvalusas 7.9.2023 dmu 23:59. Go ohcá báberohcamušain, doarjjaohcamuša galgá doaimmahit Lappi EJB-guovddážii maŋjimustá 7.9.2023. Maŋŋonan ohcamušaid hilgut.

Báberdoarjjaohcamušaid doaimmahuvvojit poastta fáro čujuhussii Lappi EJB-guovddáš, registrerenkantuvra, PL 8060, 96101 Roavvenjárga dahje šleađgapoasttain čujuhussii kirjaamo.lappi(at)ely-keskus.fi.

- [Oza doarjaga Vipu-bálvalusas \(vipu.ruokavirasto.fi\)](https://vipu.ruokavirasto.fi)
- [Rávavideo: Oainnát ozat doarjaga Vipu-bálvalusas \(youtube.com\)](https://www.youtube.com)
- [Skovit \(ruokavirasto.fi\)](https://vipu.ruokavirasto.fi)